



Siverth K. Heilmann

UKA 2022/54-1 & 2022/64-1

Atassut

13. oktober 2022

2023 ilaatillugu aallarnerfigalugulu Ittoqqortoormiini aamma Tasiilami aqutsiveqarfinni qilalukkanut qaqortanut pisassiissutinik atuutilersitsinissaat pillugu Naalackersuisut peqqusiffigineqarnissaannut Inatsartunit aalajangiivigisassatut siunnersuut

(Inatsisartuni ilaasortaq Jens NapãtõK', Naleraq)

Aamma

Naalackersuisut ukioq 2023-imut qilalukkanik qaqortanik 15-inik aqutsiveqarfimmut Tasiilamut pisasseeqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Mala Høy Kúko, Siumut)

Naalackersuisut inatsisartuniit peqqussutit malillugit pisinnaatinneqarnertillu malillugit qilalugartassiisarpurput taamaattorli pisassiisarnerni aammalu pisassinneqartanneginnarni naammaginikkunnaarnernik tunngaveqarluni, inatsisartuni ilaasortatut pisinnaatitaaffippurput atorlugu, aalajangiiffigisassanik siunnersuuteqartarpugut. Soorunami nammineq piniartunilluunniit qilalugaqassutsimut naliliinerit aallaaviugajuttarmata.

Oqaatigisariaqarpara Nunatta Kangiani qilalukkanik qernertaappata qaqortaappataluunniit, aatsaat pisassiisoqarnerunissaanik inatsisartutigoortumik qaqqinneqalinngimmata. Qilalugartassiinerni Avatangiisinut Naalackersuisoqarfik pinngortitaleriffimmiit biologit inassuteqartarnerisigut, pisassiinerit tamatiguunngikkaluartoq Naalackersuisunit malinneqartarpurput.

Nunatta kitaani qaqortanik qilalugaqassuseq 1960-sikkut naajartorneranili nammineq malinnaaviginerani, qinikkatullu ukiorpakasinngortuni aamma oqaluttarfik manna atorlugu, qilalukkat qaqortat qernertallumi Nunatta kujataanut annguttaleraluttuinnarnerat oqariartuutigisaannarpara.

Ajoraluartumilli Naalackersuisut inatsisartullumi nikerartuartut, biolog-inik ikinaaqalugit inassuteqartarnerat malinneqartuartillugu pakatsinerit atuuttuassapput. Aap biolog-it nalunaaqutsersuinerni piniartullu suleqatigiittarnerat piviusuuvoq, taamaattorli qaammataasakkut malinnaavigineqarsinnaalersillugit nalunaaqutsersuisaraluartilluni, qilalugaqartuarpoq piffinni assigiinngitsuni piniartuinnaangitsut angalasulli piffinni uani takunnittuartunik. Imaangilarli takunnikkaanni tamatigut piniarneqartartut, silali naalagaraarput.

Piniakkanik killilersukkanik pisassiisarnermi kisitsisitalerlugit ajunngikkaluartoq, 15-inik pisassiisoqarpat silamik iluatsitsigaanni, ulluinnaq nungunneqarsinnaapput. Siunnersuuteqartulli aappaata tikkuagaani, imartarujussuatsinni aqqusaartunilluunniit peqassutsimut ulorianartorsiutaanaviangitsut, qulaani oqariartuutigisannut naliliisarninnullu naapertuunneruvoq.

Qilalukkanik timmisartoq piffissarlu sivikitsoq atorlugu kisitsisarneq, piniartunillu peqateqartarneq ajunngikkaluartoq, qilalukkat aqqaamasarput sikoqassuserluunniit akornutaasinnaalluni. Angallat atorlugu pingaartumik piniartut ullorpassuarni, avataani sinerissalluunniit qanittuani kangerlunniusinnaavoq, takunnittarnigut position, amerlassusiliinerit il il, kommuunerisamut nalunaarutigineqartarnissaat kaammattuutaaneruleraluarpat, nalilersuinerit eqqornerusut atugaalissagalarput.

Taamatut kaammattuutunik ilalerlugit Atassummiit siunnersuutitut marlunnut ilaliivugut, piumasarissallugulu suliat aappassaaneerneqartigani ataatsimiititaliani susassaqartumi nalilersuinerit ingerlaqqaarnissaat.

Qujanaq.